

Na osnovu člana 32. Zakona o javnim nabavkama („Službeni glasnik BiH“ broj 39/14), a nakon provedenog pregovaračkog postupka bez objave obavještenja za javnu nabavku roba – Potrošni materijal za operacije katarakte i za abdominalnu hirurgiju, objavljenog na web portalu Bolnice dana 25.07.2017. godine, zaključen je

### OKVIRNI SPORAZUM

Između:

**Javna ustanova Opća bolnica „Prim. dr. Abdulah Nakaš“**,  
Sjedište: S.S.Kranjčevića broj 12, 71000 Sarajevo,  
koju zastupa direktor prim.dr.Zlatko Kravić,  
Identifikacijski broj: 4200288400001,  
(u daljem tekstu: Kupac)

**HERCEGOVINALIJEK d.o.o. Mostar**,  
Sjedište dobavljača: Muje Pašića broj 4, 88000 Mostar,  
koga zastupa direktor Meaz Begović,  
Identifikacijski broj dobavljača: 4227015090005  
Transakcijski račun dobavljača: 1417010002259042  
Naziv banke dobavljača: BBI Bank d.d.  
(u daljem tekstu: Dobavljač),

#### Član 1.

Predmet ovog ugovora je nabavka roba – Potrošni materijal za operacije katarakte i za abdominalnu hirurgiju po lotovima:

1. LOT 2 – Sredstva za zaustavljanje intraoperativnog krvarenja
2. LOT 3 – Potrošni materijal za ultrasonični skalpel

prema ponudi broj 01-650 od 04.09.2017.godine, a prema Odluci o odabiru najpovoljnijeg ponuđača broj 5090-17/17 od 05.09.2017.godine i na osnovu dokumenata :  
–Ponude / specifikacije Dobavljača broj 01-650 od 04.09.2017.godine – dalje: ponuda Dobavljača - (Prilog 1), (ugovorne strane podrazumijevaju da kompletna ponuda Dobavljača koja je dostavljena po predmetnoj nabavci sa svim dostavljenim dokumentima / aktima / dokazima / nacrtima / specifikacijama i dr. čini sastavni dio okvirnog sporazuma sa tim da se zbog obimnosti iste uz okvirni sporazum fizički vežu samo dokumenti iz ponude koji se odnose na osnovne komercijalne i tehničke elemente ugovora / nabavke), dostavljenom po pregovaračkom postupku bez objave obavještenja broj 20/17.

#### Član 2.

Okvirni sporazum (u daljem tekstu: sporazum) se zaključuje na period od 2 (dvije) godine i traje do isteka sporazuma odnosno do utrošene maksimalne finansijske vrijednosti po lotovima:

1. LOT 2 – Sredstva za zaustavljanje intraoperativnog krvarenja - do 3.914,00 KM bez uračunatog PDV-a, odnosno 4.579,38 KM sa uračunatim PDV-om na godišnjem nivou, odnosno do 7.828,00 KM bez uračunatog PDV-a, odnosno 9.158,76 KM sa uračunatim PDV-om na dvogodišnjem nivou;
2. LOT 3 - Potrošni materijal za ultrasonični skalpel - do 42.828,08 KM bez uračunatog PDV-a, odnosno 50.108,58 KM sa uračunatim PDV-om na godišnjem nivou, odnosno

do 85.656,16 KM bez uračunatog PDV-a, odnosno 100.252,81 KM sa uračunatim PDV-om na dvogodišnjem nivou

Za vrijeme trajanja sporazuma predviđa se sklapanje 2 (dva) ugovora o javnoj nabavci predmetnih roba po nepromijenjenim uslovima sa dobavljačem kojem se dodjeljuje ugovor u skladu sa članom 4. Okvirnog sporazuma iz oblasti nabavke predmetnih roba.

### Član 3.

Ovaj okvirni sporazum ne predstavlja obavezu Kupca na kupovinu robe od Dobavljača, već predstavlja osnovu za zaključenje pojedinačnih ugovora u toku trajanja okvirnog sporazuma.

Tokom trajanja ovog Okvirnog sporazuma Kupac će zaključivati pojedinačne ugovore u skladu sa raspoloživim finansijskim sredstvima i potrebama Kupca.

Zaključenjem pojedinačnog ugovora sa Dobavljačem, nastaje obaveza za isporuku robe.

### Član 4.

Strane u sporazumu zaključit će pojedinačne ugovore. Prvi ugovor će se zaključiti istovremeno sa zaključivanjem ovog sporazuma, a nakon provedenog postupka javne nabavke, dok će se drugi ugovor zaključiti bez sprovođenja postupka javne nabavke.

Količine roba iz Obrasca za cijenu ponude nisu obavezujuće za ugovorni organ.

Cijene roba iz Obrasca za cijenu ponude su nepromjenjive za cijeli ugovoreni period i ne podliježu bilo kakvim promjenama u toku izvršenja sporazuma.

Ugovorne strane su saglasne da sporazum realizuju prema već definisanim uslovima u Obavještenju o javnoj nabavci putem otvorenog postupka nabavke, tenderskoj dokumentaciji, ugovoru o javnoj nabavci roba i ponudi Dobavljača.

## **BANKOVNA GARANCIJA ZA OSIGURANJE IZVRŠENJA UGOVORENIH OBAVEZA**

### Član 5.

Dobavljač je, u smislu osiguranja izvršenja obaveza po ovom Okvirnom sporazumu, obavezan Kupcu dostaviti sljedeću безусловnu originalnu bankarsku garanciju (prema obrascu utvrđenom od strane Kupca):

- garanciju za uredno izvršenje ugovora (okvirnog sporazuma) / dobro izvršenje posla u iznosu 10% ukupne vrijednosti Ugovora sa uračunatim PDV-om, sa rokom važnosti garancije: rok izvršenja ugovornih obaveza + 30 dana;

Dobavljač će garanciju iz prethodnog stava dostaviti u roku od 10 (deset) dana od dana zaključivanja ovog ugovora / obostranog potpisivanja ovog ugovora.

Garancija za uredno izvršenje ugovora/okvirnog sporazuma dostavlja se u originalu. Garancija ne smije biti ni na koji način oštećena (bušenjem i sl.) jer probušena ili oštećena garancija se ne može naplatiti. Ukoliko garancija za uredno izvršenje ugovora/okvirnog sporazuma nije



- dostavljena na propisan način, shodno uslovima iz tenderske dokumentacije i u roku iz prethodnog stava, zaključeni ugovor/okvirni sporazum će se smatrati apsolutno ništavim.

#### Član 6.

Ovaj Okvirni sporazum ugovorne strane mogu raskinuti pisanim putem, na način da strana koja traži raskid ovog Okvirnog sporazuma upućuje pisanu obavijest drugoj ugovornoj strani, i to u slučaju povrede odredbi ovog Okvirnog sporazuma, ako druga strana nije takvu povredu ispravila čak ni u ostavljenom primjerenom roku, koji ne može biti kraći od 5 dana.

Kupac može raskinuti ovaj Okvirni sporazum u slučaju:

- da dobavljač kojem je ponudeno zaključivanje pojedinačnog ugovora ne potpiše pojedinačni ugovor ili ne dostavi bankarsku garanciju za dobro izvršenje ugovora
- da iz bilo kog razloga ugovorne strane raskinu pojedinačni ugovor,
- da druga ugovorna strana ne poštuje odredbe ovog Okvirnog sporazuma;

#### Član 7.

Na pitanja koja nisu regulisana ovim Okvirnim sporazumom, primjenjivat će se odredbe Zakona o obligacionim odnosima, kao i ostali propisi koji regulišu predmetnu materiju.

#### Član 8.

Ovaj sporazum stupa na snagu danom obostranog potpisivanja od strane ovlaštenih lica ugovornih strana.

Sastavni dio ovog sporazuma je specifikacija robe i ponuda broj 01-560 od 04.09.2017.godine.

#### Član 9.

Sve eventualne sporove ugovorne strane će rješavati sporazumno, u duhu dobrih poslovnih odnosa i uzajamnog povjerenja.

Ukoliko se sporazumno rješenje ne postigne, nadležan je sud u Sarajevu.

#### Član 10.

Sporazum je sačinjen u 4 (četiri) istovjetna primjerka, od kojih svaka ugovorna strana zadržava po 2 (dva) primjerka.

PRIPREMILA:  
Amira Petrović, BA općeg prava, Referent za pravne poslove

KONTROLISALA:  
Sadeža Hrustemović, dipl.tur., Koordinator za javne nabavke

**Dobavljač:**

**HERCEGOVINALIJEK d.o.o. Mostar**

**DIREKTOR**

**Meaz Begović**

Broj: 01-1616  
Mostar, 17. 09. 2017

**Kupac:**

**Javna ustanova Opća bolnica**

**„Prim. dr. Abdulah Nakaš“**

**DIREKTOR**

**Prim.dr. Zlatko Kravić**

Broj: 5090-20/17  
Sarajevo, 05.09.2017. godine